

Sense

S.Burger, 24.9.2008

*Intro: D fis | C e |
D fis | C |*

D fis e
Du ghörsch nüt als ds Ruusche vo däm Fluss

fis h
Hesch Zyt für z'luusche, da, veruss,

a A^{sus2} e
D'Zyt blybt staa, hie a der Sense.

D fis e
Ds Wasser fliesst, spüelt alls ewäg,

fis h⁷
Alls, wo dir piess u alle Dräck

C G
Verschwindet hinder höche Felse

Der louft eine umenand,
Het flachi Steine y der Hand
U faat e Turm dermit aa boue.
U d'Chind byr Chiisbank näbedraa
Schleppe grossi Chempe aa,
Si wei probiere, ds Wasser z'stoue.

C h e
Si Gä sech Müej, dass es nid rünnt

G A
U si sy stolz druuf, wenn es glingt

Fis
U hole d'Kamera

G A h
U si byge iri Chempe a der Sense

G A D A
U si tische iri Steine, Stund um Stund,

G A h G
U si byge iri Chempe a der Sense

e fis h G
U wüsse haargenau, dass mal, u wüsse haargenau, dass mal

e A D fis | C e :|
U wüsse haargenau, dass mal es Gwitter chunnt

Langsam wird es Aabe, wird es Nacht

U d'Sunnesträhle schwinde sacht,
Alli andere sy gange.

Plötzlich bisch für di elei,
Merksch, du söttisch wider hei,
Der Alltag nimmt di wider gfange.

U hie bousch wyter, Tag für Tag,
Mit viel Yfer, s'isch ke Frag,
Dyni Türm u dyni Muure.
Mir setze Zyl u mache Plän,
Erwarte viel u hoff', es läng
U ds schöne Wätter wöll no duure.

Mir Gä n'ys Müej, dass es nid rünnt
U mir sy stolz druuf, wenn es glingt
U luege ds Album aa.

U mir byge üsy Chempe a der Sense
U mir tische üsy Steine, Stund um Stund,
U mir byge üsy Chempe a der Sense
U wüsse haargenau, dass mal, u wüsse haargenau, dass mal
U wüsse haargenau, dass mal es Gwitter chunnt.